

第四冊江南名勝圖說

寶華山

在江寧府句容縣北一名花山上有慧居寺相傳為梁高僧寶誌道場故名寶華山明慈聖太后夢登一山皆蓮花訪得此山勅建銅殿於寺中與峨嵋五臺同

棲霞山

在江寧府東北一名攝山齊明僧紹隱此捨宅為寺山有三峯中峯屹立最高東西二峯左右拱抱寺接於中峯之麓中有白蓮池六朝松唐高宗御撰明隱君碑碑陰書棲霞二大字

彩虹明鏡

在三會殿之西向有流泉散漫無所歸乾隆二十二年始鑿為池水從桃花澗下直噴池內浩瀚瀰漫一望無際二十七年

翠華臨幸肇錫嘉名焉

紫峯閣

在中峯之麓秀峙如錐閣在山址羣巒環繞皆軒翔聳拔中通無量殿明僧紹子仲璋依山琢大佛像皆極莊嚴之旁舊有雲根泉清澈可鑒後於石壁間復搜得一泉飛瀑從空而下督臣尹繼善於入

覲時偶奏及此蒙

皇上面錫嘉名曰功德

玲峯池

在中峯之側孤亭岼嶂與石梁遙對羣山萬壑中一泓湛然可
鑒毫髮

御製詩云不肯瀉為瀑潄然守太初斯池千古生光矣

萬松山房

在中峯之半山固多松此尤蔚蔚山風過處謾謾如萬壑鳴濤
中有傑閣崇臺掩映蒼翠最為幽勝

疊浪崖

在西峯之側層崖峩峩石錯之高低起伏如大海潮汐波瀾
萬疊巖下有松九株虬枝相亞皆夭矯作擎攫狀西通德雲菴

之徑也

德雲菴

在西峯之麓坐對古澗曰桃花澗奇石玲瓏萬竅穿溜幽篁繞
屋間以喬柯青陰彌望西麓最幽勝處也前岡盤空飛翠者即
九株松

幽居菴

在中峯之右與西峰接岩虛澗靜萬籟俱寂丈室數楹竹木環
之幽閒若在人境外坡前亂石數叢雲堆浪立一亭據其上四
匝如張翠屏

天開巖

在中峯之右羣石拔立其直如截中這一線仄境森沉若天開者然下有六石如列豆名醒石迎賓石禹碑在其陰明少宰楊時喬摹會稽石刻重勒於此

珍珠泉

在般若臺右泉纚纚出石間歷澗而下相傳遊人拍手呼笑則白珠點點上浮晶瑩可玩般若臺佛座四圍有石刻四十二章經明處士王寅集諸名士所書人各一章

燕子磯永濟寺

在江寧府觀音門外乃觀音山之餘支一峯怒突皆巉石疊起三面斗絕江上望之形如燕飛寺在磯之西南明初即山建觀音閣正德初因閣建寺殿閣皆緣崖構成以鐵絙穿石繫棟登之如憑虛御風

嘉善寺三台洞

在鐵石山明正統中僧法通建

後湖

在江寧府太平門外一名蔣陵湖一名秣陵湖晉元帝肄舟師於此宋元嘉中有黑龍見改名元武孝武帝大閱水軍又名昆明池明初開濬置庫以貯天下圖籍中有五洲曰麟洲趾洲老洲長洲新洲浮若島嶼然東西二溝流入秦淮即青溪之上源也

鷄鳴寺北極閣

在江寧府城東北鷄鳴山舊名鷄籠宋隱士雷次宗開館教授齊竟陵王子良開西邸輯四部要畧之處也明初創鷄鳴寺建浮圖五級名誌公塔又於山巔築觀象臺以測象緯賜名欽天山康熙中建北極閣於其地

清涼山

在江寧府清涼門內山據石頭城下臨大江上有清涼寺山巔為清涼臺南唐建翠微亭於此

朝天宮

地即冶城相傳為吳夫差鑄劍處晉建冶城寺宋為天慶觀蘇軾有天慶觀詩明洪武重修易今名

靈谷寺

在鍾山東南舊有道林寺在獨龍阜明初徙於此改名靈谷入山門松逕五里乃至殿廡有無梁殿不施一木壘甃空洞而成後有浮圖即寶誌改葬處塔前有石泉僧曇隱所得八功德水也東有琵琶街履之有聲乾隆三十二年蒙

聖恩以杭州宋德壽宮梅石

御筆詩畫碑摹發寺供奉

雨花臺

在江寧府聚寶山之東嶺梁雲光法師講經於此天為雨花故

名

牛首山

在城南三十里雙峰角立取其形似晉王導指為天闕故亦名
天闕山山峯之間為梁昭明飲馬池山有石窟深不測曰辟支
洞梁武建寺因名佛窟即今洪覺寺也



寶華山



楊柳泉

棲霞總圖



彩虹明鏡



紫峯閣



玲峯池



萬松山房



浪崖



九株松

浪崖

座落

德雲菴



德雲菴

九株松

幽居巷



天開巖



珍珠泉



燕子磯



觀音門

落座

卷之四

嘉善寺



雞鳴寺北極閣


後湖



清凉山



朝天宮



靈谷寺



報恩寺雨花臺



牛首山

